

---

---

ՀՀ ԳԱԱ ՀՆԱԳԻՏՈՒԹՅԱՆ ԵՎ ԱԶԳԱԳՐՈՒԹՅԱՆ ԻՆՍՏԻՏՈՒՏԻ  
ԵՐԻՏԱՍԱՐԴ ԳԻՏՆԱԿԱՆՆԵՐԻ XII ՄԻՋԱԶԳԱՅԻՆ ԳԻՏԱԺՈՂՈՎԸ

2010 թ. հոկտեմբերի 25–27-ը կայացավ «Հայաստանի և հարակից երկրների ազգաբանություն և հնագիտություն» թեմայով գիտաժողովը, որը համախմբել էր Հայաստանի և հարակից երկրների ազգաբանությամբ, հնագիտությամբ և բանահյուսությամբ զբաղվող հայաստանյան և արտերկրացի երիտասարդ՝ մինչև 35 տարեկան հետազոտողների: Գիտաժողովի մասնակիցներից 57-ը Հայաստանից էին, 6-ը՝ Վրաստանից, 4-ը՝ ԱՄՆ-ից, 2-ական մասնակիցներ՝ Լեհաստանից, Ռուսաստանից, Գերմանիայից, Ռումինիայից, և մեկական մասնակիցներ Բելգիայից ու Իրանից: Հայաստանյան մասնակիցների կեսից ավելին Հնագիտության և ազգագրության ինստիտուտից էին՝ 25 զեկուցող, և Երևանի պետական համալսարանի պատմության և այլ ֆակուլտետներից՝ 13 զեկուցող:

Գիտաժողովի բացումը տեղի ունեցավ ՀՀ ԳԱԱ նախագահության նիստերի դահլիճում: Ողջունի խոսքով հանդես եկան ՀՀ ԳԱԱ հայագիտության և հասարակական գիտությունների բաժանմունքի ակադեմիկոս քարտուղար, ակադեմիկոս Վլադիմիր Բարխուդարյանը, Հնագիտության և ազգագրության ինստիտուտի (ՀԱԻ) տնօրեն Պավել Ավետիսյանը, ինստիտուտի Արդիականության ազգաբանության բաժնի վարիչ Լևոն Աբրահամյանը, Երիտասարդ գիտնականների խորհրդի (ԵԳԽ) նախագահ Ռոման Հովսեփյանը, ԵՊՀ հնագիտության ամբիոնի վարիչ Հայկ Ավետիսյանը և ուրիշներ:

Բացման արարողությունից հետո, նաև հետագա օրերին գիտաժողովը շարունակվեց «Հայաստանի երիտասարդական հիմնադրամ»-ին պատկանող մասնաշենքում: Գիտաժողովում ներկայացվեց 62 զեկուցում, որոնցից մի քանիսի զեկուցողները ֆիզիկապես ներկա չէին. բոլոր բացակայող զեկուցողներին հնարավորություն էր տրված գիտաժողովին մասնակցել ինտերնետային ուղիղ կապի միջոցով: Շատ մասնակիցներ զեկուցում էին ունենում առաջին անգամ, նաև առաջին անգամ էին ներկայացվում շատ թեմաներ: Գիտաժողովն անցկացվեց երկու նստաշրջաններով՝ խմբավորված ազգաբանության և հնագիտության թեմաների ներքո:

Ազգաբանության վերաբերյալ զեկուցումները խմբավորվել էին ըստ հետևյալ թեմատիկ խմբերի՝

«Ինքնություն». «Ճամփորդող ինքնություն. ուտեստները ուղեբեռներում» (Ռ. Ծատուրյան, ՀԱԻ), «Ս. Պետերբուրգի հայերի էթնիկ ինքնության մասին (ըստ խոհարարական պրակտիկայի դիտարկման և հարցումների նյութերի)» (Եվ. Գուլյանա, Ռուսաստանի ազգագրական թանգարան, Ռուսաստանի Դաշնություն), «Ազգային ինքնության դրսևորումներն ու կառուցումը Երևանի ժամանակակից դպրոցներում «Վերջին զանգ»-ի արարողություններում» (Ս. Մկրտչյան, ՀԱԻ, Թբիլիսիի Իվ. Ջավախիշվիլու անվ. պետական համալսարան):

«Ինքնություն և Միություն». «Միությունի տեսության վիճարկումն ազգաբանական դիտանկյունից» (Ա. Հարությունյան, *Բեռլինի Հումբոլտի անվ. համալսարանի Ազգաբանության ինստիտուտ; Բեռլինի ազատ համալսարանի Ազգաբանության ինստիտուտ, Գերմանիա*), «Երկակի իրականություն. միգրանտի դիրքորոշումները հայրենիքում և արտերկրում» (Ա. Պողոսյան, *ՀԱԲ*), «Հայերը Կրակովում. լեհահայերը և հայկական նոր սփյուռքը» (Յ. Օսիեցկի, *Հովհաննես Պողոս 2-րդի անվ. Հայրապետական համալսարան, Լեհաստան*), «Դիտարկումներ լեհահայոց համայնքի ինքնության շուրջ» (Փ. Մնացականյան, *Յագելոնյան համալսարան, Լեհաստան*):

«Հանրային միջավայր և մշակույթի ընկալման դրսևորումներ». «Մշակույթի հասարակական ընկալումները» (Մ. Թորոսյան, *ԵՊՀ*), «Անուղղակի վանդալիզմ» (Ա. Դիլանյան, *ՀԱԲ*), «Էթիկետը հասարակական տրանսպորտում» (Լ. Քննակսյան, *ՀԱԲ*):

«Երիտասարդական, մասնագիտական ենթամշակույթներ՝ կրթություն, քաղաքականություն, հասարակական կազմակերպություններ». «Մասնագիտական կրթության որակի արդի հիմնախնդիրները. դիսկուրս վերլուծություն» (Մ. Գալստյան, *ԵՊՀ*), «Քաղաքական արժեքները երիտասարդների ընդհանուր արժեքային համակարգում» (Ա. Ավետյան, *ԵՊՀ*), «Կրոնական հակադրությունը Պանկիսի շրջանի սերունդների միջև» (Ն. Սիփրաշվիլի, *Վրաստանի համալսարան*), «Հայաստանում քաղաքացիական հասարակության ձևավորման խնդիրն էթնոմշակութային համատեքստում» (Ն. Գալստյան, *ՀԱԲ*), «Հաշմանդամ - ոչ հաշմանդամ փոխհարաբերությունը» (Կ. Ավագյան, *Հովհ. Թումանյանի տուն-թանգարան*), «Որբ երեխան հայոց ավանդական մշակույթում» (Ա. Մնացականյան, *ԳԱԱ ՀԱԲ*),

«Քաղաքի ազգաբանություն». «Քաղաքային նոր խորհրդանշանների ներկայացումը և ստեղծումը» (Հ. Մելքումյան, *ՀԱԲ, ԵՊՀ*), «Ազգային խորհրդանիշերը երևանյան մշակութային միջավայրում» (Ր. Տեր-Ղազարյան, *Ֆլորիդայի միջազգային համալսարան, ԱՄՆ*), «Աչքի փշեր» նոր Երևանում» (Ա. Հարությունյան, *Բեռլինի Հումբոլտի անվ. համալսարանի Ազգաբանության ինստիտուտ, Բեռլինի ազատ համալսարանի Ազգաբանության ինստիտուտ, Գերմանիա*), «Իջևանի «Արձանների այգին» (Մ. Հմայակյան, *Երևանի գեղարվեստի պետական ակադեմիա*), «Երևանի կենտրոնի քաղաքային տարածքի սեմիոտիկ կառուցվածքը և փոխակերպումը» (Ն. Եպիսկոպոսյան, *Քաղաքական և սոցիոլոգիական խորհրդատվությունների ինստիտուտ, Հայաստան*):

«Գենդերային հետազոտություններ». «Միջնադարում հայ կնոջ իրավունքներն ամուսնաընտանեկան հարաբերություններում (ըստ իրավական և մատենագիտական նյութերի)» (Ք. Սարգսյան, *Գյումրիի պետական մանկավարժական համալսարան*), «Հայաստանի աշխատավորուհի». հայ կնոջ նոր կերպարի ստեղծումը նոր Հայաստանի համար 1924-1929 թթ.» (Ջ. Ջոնսոն, *Միչիգանի համալսարան, ԱՄՆ*), «Կինը և պատիվը Վրաստանի Հանրապետությունում» (Է. Կամմ, *Մշակութային համեմատական հետազոտությունների ինստիտուտ, Ֆիլիպսի համալսարան, Գերմանիա*), «Զբաղվածության և ընտանեկան հիմնախնդիրները Կապանում» (Ա. Վանյան, *ՀԱԲ*), «Ամուսնության և սեքսուալության «դիսպոզիտիվները» փոխհարա-

բերման դրսևորումները հայաստանյան նույնասեռականների առօրյայում» (Ա. Մանուկյան, ԵՊՀ):

«Ժամանցի և տոնի ազգաբանություն». «Արդի մարզային ժամանցի կազմակերպման որոշ խնդիրների շուրջ (Սյունիքի մարզի Գորիս քաղաքի և շրջակա երկու գյուղերի օրինակով)» (Գ. Ստեփանյան, ՀԱԲ), «Եկեղեցական հանդիսությունների և ժողովրդական տոների նշանակությունը Փշավիում» (Մ. Ծերեթելի, Վրաստանի համալսարան), «Բերդ-Շամշադինի ժողովրդական խաղերը (20-րդ դ.)» (Հ. Գրոզալյան, ԵՊՀ), «Խաղային համակարգը Թալինում և Արտաշատում (ըստ 2008-2009 թթ. գիտարշավի նյութերի)» (Հ. Ասատրյան, ՀԱԲ), «Պարի և հացի կապը հայ հարսանիքում» (Ն. Շամալյան, ՀԱԲ), «Թուրքական հարսանեկան ծեսը» (Բ. Հարությունյան, ԵՊՀ):

Բանագիտության վերաբերյալ զեկուցումներն էին. «Մահվան և հանդերձյալ կյանքի մասին պատկերացումները սկյութների շրջանում և դրանց արձագանքներն օսական ավանդություն» (Ս. Դավթյան, ԵՊՀ), «Քաջուկ» նվիրագործյալը հայկական հրաշապատում հեքիաթներում» (Լ. Մկրտումյան, ՀԱԲ), «Հայրեր - որդիներ հակամարտությունը հայկական ժողովրդական հեքիաթներում և «Մասնա ծոեր» դյուցազնավեպում» (Ս. Անանյան, ԵՊՀ):

Հնագիտության նստաշրջանի զեկուցումները խմբավորվել էին ըստ ժամանակագրական թեմաների՝ նոր քարիդարից ուշ միջնադար.

«Նեոլիթի ուսումնասիրությունը Հայաստանում» (Ա. Պետրոսյան, ՀԱԲ), «Ծաղկասար-1 վաղ բրոնզեդարյան բնակատեղիի խեցեղենը» (Բ. Հովսեփյան, ՀԱԲ), «Կուր-արաքսյան խեցեղենի զարդարման հիմնական եղանակները» (Ա. Ազիզյան, Սարդարապատի հերոսամարտի հուշահամալիր, Հայոց ազգագրության և ազատագրական պայքարի պատմության ազգային թանգարան), «Թոեղքյան մշակույթի զեղարվեստական մետաղագործության որոշ հարցերի վերաբերյալ» (Բ. Նարինանիշվիլի, Պատմության, հնագիտության և ճարտարագիտության «Կղեկարի» թանգարան-արգելոց, Վրաստան), «Թոեղքյան մշակույթի բրոնզե կացինների թվագրման, զարգացման փուլերի և տիպաբանության մասին» (Զ. Շերագադիշվիլի, Թբիլիսիի պետական համալսարան), «Աղթիքի նորահայտ վիշապաքարը և վիշապաքարերի տարածման սահմանների խնդիրը» (Ա. Բոբոխյան, ՀԱԲ), «Հայաստանից հայտնաբերված մի քանի բազմանիստների մասին» (Ա. Գաբրիելյան, ՀԱԲ), «Ուրարտական երկաթակուռ դաշույնները» (Ա. Զաքարյան, «Էթնոս» էթնոմշակույթային գիտական հետազոտությունների կենտրոն), «Խաղիի, Թեյշեբայի և Շիվինիի պատկերագրությունն ըստ Անձավի վահանի և նրանց հին մերձավորարևելյան հնարավոր որոշ զուգահեռները» (Մ. Բաղալյան, «Էթնոս», էթնոմշակույթային գիտական հետազոտությունների կենտրոն), «Հայաստանի հեյլենիստական ժամանակաշրջանի գունագարդ խեցեղենը որպես պատմական աղբյուր» (Ա. Նախըբարյան, ՀԱԲ), «Երվանդաշատի միջնադարյան հուշարձաններն ըստ պատմական աղբյուրների և նոր հնագիտական ուսումնասիրությունների», «Հայաստանի վաղքրիստոնեական արվեստում անտիկ ավանդույթների հարցի շուրջ» (Լ. Միքայելյան, ԵՊՀ), «Հայաստանի վաղմիջնադարյան թաղումների դասակարգման փորձ» (Բ. Միրիջանյան, ՀԱԲ), «Վաղ քրիստոնեական շրջանի մկրտարաններ Սև ծովի

արևելյան ափին» (Բ. Բերձենիշվիլի, Վրաստանի ազգային թանգարանի Հնագիտության ինստիտուտ), «Հյուսիսային Հայաստանի միջնադարյան առևտրային ուղիների և քաղաքական տնտեսության հետազոտության նախնական արդյունքները» (Ք. Ֆրանկլին. գեկուցումը ներկայացրեց Է. Ֆագանը, Չիկագոյի համալսարան, ԱՄՆ), «XI դ. բյուզանդական պղնձե դրամների գանձ Ծաղկաձորից» (Հ. Հովհաննիսյան, Հայաստանի պատմության թանգարան), «Հայաստանի վաղքրիստոնեական սրբազան լանդշաֆտի կազմավորման մի քանի սկզբունքների մասին» (Է. Հովհաննիսյան, ԵՊՀ), «Լույսի քրիստոնեական խորհրդի դրսևորումը վաղքրիստոնեական լուսային անվանաբանության մեջ» (Ռ. Սարգսյան, ԵՊՀ), «Եկեղեցուն նվիրատվություն կատարելու ևս մի պատճառ» (Հ. Հակոբյան, ՀԱԲ), «Մատուր-պահարան Հովհաննես Մկրտչի աջով» (Ա. Բաբաջանյան, ՀԱԲ), «Կումմուխում իշխած արքայատան ակունքները» (Լ. Ասրյան, ԳԱԱ Պատմության ինստիտուտ), «Դրամահատությունը և իշխանությունը Հայկական բարձրավանդակում՝ ըստ Հայաստանի և Հռոմի օրինակների» (Է. Ֆագան, Չիկագոյի համալսարան, ԱՄՆ), «Նորահայտ արձանագրություններ «լիտր» կշռաչափի վերաբերյալ» (Ա. Հարությունյան, ՀԱԲ), «Նորահայտ արձանագրություններ Մեծ Այրում բնակավայրից» (Ս. Ադամյան, ՀԱԲ), «Ձինվորների գենքն ու ասպագենը Պարթևական Իրանում և Միջին Ասիայում» (Ա. Նալբանդյան, ԵՊՀ):

Գիտաժողովում ներկայացվեցին նաև միջմասնագիտական նորարարական հետազոտությունների արդյունքներ, որոնք սերտ առնչություն ունեն հնագիտության, ազգաբանության և բանագիտության հետ. «Նախնական տվյալներ Գողթնորի պղնձի-քարեդարյան բնակատեղիի (Հայաստան) փայտածուխի ուսումնասիրության վերաբերյալ» (Ռ. Հովսեփյան, ՀԱԲ), «Իրանում բնակվող ֆարսերի, ազերիների և հայերի գենետիկական պատմությունը ըստ արական գծի» (Ա. Մարգարյան, ԳԱԱ մոլեկուլային կենսաբանության ինստիտուտ), «Պարսկերենում պաշտամունքային նշանակություն ունեցող որոշ բուսանունների ստուգաբանական դիտարկումներ» (Ն. Բալաբանյան, ԵՊՀ), «Նոան ուսումնասիրությունը հնաբուսաբանության և էթնոբուսաբանության տեսանկյուններից» (Ն. Ստեփանյան, ԳԱԱ բուսաբանության ինստիտուտ):

Զեկուցումների ընթացիկ և ամփոփիչ քննարկումների ժամանակ իրենց հարցերով, դիտողություններով, մեկնաբանություններով և խորհուրդներով ակտիվ մասնակցություն ունեցան ազգաբանության ու հնագիտության ոլորտների ճանաչված մի շարք մասնագետներ:

Գիտաժողովից հետո՝ հոկտեմբերի 28-ին արտերկրացի հյուրերի համար կազմակերպվեց ճանաչողական արշավ (Սբ. Հռիփսիմեի, Մայր Աթոռ Սբ. Էջմիածնի եկեղեցիներ, Մեծամորի հնավայր և թանգարան, Մարդարապատի հուշահամալիր և թանգարան):

ՌՈՄԱՆ ՀՈՎՍԵԹՅԱՆ  
ՀԱՄԼԵՏ ՄԵԼՔՈՒՄՅԱՆ